

im Wasser seyn / weil es nur eine Sonne ist. Wie gehet denn zu das wenn hundert / vnd aber hundert vmb den See stunden / so hette doch ein jeglicher der Sonnen Wilde für sich / an seinem ort / vnd keiner an des andern ort : Und wenn er vmb den See gienge / so gehet das Wilde mit ihm / vnd ist an allen orten / da er hin gehet. Und wenn tausend Augen drein sehen / so sehe ein jegliches das Wilde für sich / vnd nicht für dem andern. Welan / das ist eine Creatur / vnd kan eilicher weise an allen orten im See seyn. Lieber / wer wil uns leugnen heissen / daß Gott nicht viel mehr auch eine weise wisse vnd vermöge / das Christus einiger Leib also sey wie er wolle / allenthalben / wo er wolle ?

Bon diesen vnd andern Gleichnissen / Meine Seele / magst du bey Euchwo an gemeinem ort / auch am 161. vnd 178. Blat weit leufftiger lesen:

Allhie königlich ich auch aus allen rechtgleubigen Altvätern / vnd Kirchenlehrern / viel schöner Zeugnissen einführen / vnd damit erweisen vnd dorthin / daß sie die ware gegenwart des Leibs vnd Bluts Christi / im heiligen Abendmal / jederzeit stamiret / vnd geglaubet haben. Aber solchs wollte dismal zu lang werken / wir sparen auf eine andere zeit / vnd sagen dismal mit S. Ignatio : Mihi antiquitas Christus est, &c.

Besiche Cōpendium
Theologiae
Patrum : D.
Henrici Eck.

O Herr Jesu Christe / du Sohn des Jesu : harti. f. 220.
bendigen Gottes / mein Heyland vnd Erlöser / mit was vor= 221. 222. 223.
ten sol ich dir gnung dancken / daß du wie ein frommer / ge= Gebet.
treuer / vnd lieber Vater / da die zeit herzu nahete / daß du aus dieser Welt zu deinem H̄imlischen Vater giengest / dein Testament auffgerichtet / vnd dein heiliges Abendmal eingesetzt hast : In welchem du mit dem Gesegneten Brod vnd Wein / deinen waren Leib vnd Blut / vnd mit demselben alle deine Güter / mir schenktest vnd mittheilest. Mit was worten aber / vnd mit wie tieffen Seufzern / vnd heissen Threnen / sol ich beklagen vnd beweinen / daß leider / zu dieser letzten zeit / so viel Hader vnd Zanc vber diesem deinem heiligen Testamente / erreget wird / dadurch der leidige Satan das Hauptgut uns zu

V u u u u i i j entwens-